

PROGRAM FOOD BANK DI PKPMP: INISIATIF PRIHATIN SETIAP JUMAAT

Putrajaya, 18 April 2025 — Pejabat Ketua Pendaftar Mahkamah Persekutuan Malaysia (PKPMP) melalui kerjasama Cawangan Psikologi, Bahagian Pengurusan telah melaksanakan Program Food Bank yang berlangsung pada setiap hari Jumaat bertempat di Bilik AKRAB, Aras 1, Istana Kehakiman, Putrajaya.

Membantu meringankan beban kewangan warga PKPMP yang memerlukan dan tidak berkemampuan. Membantu warga PKPMP yang mempunyai masalah kewangan dan sering tidak cukup keperluan. Sebagai kaedah Pegawai Psikologi /AKRAB mendekati warga PKPMP dalam membantu mengenalpasti permasalahan mereka.

Pada April 2025, seramai 68 penerima telah menerima sumbangan, terdiri daripada 36 lelaki dan 31 perempuan.

Sumbangan yang diagihkan adalah hasil ihsan Yang Amat Arif Ketua Hakim Negara, Yang Arif Hakim-Hakim serta Pegawai Kehakiman yang disalurkan melalui Cawangan Psikologi. Komitmen dan sokongan padu daripada pihak kehakiman amatlah dihargai dalam menjayakan program ini.



Program Gabung Raya, anjurkan bersama AKRAB Mahkamah Pulau Pinang dengan Kelab Kebajikan Sukan Mahkamah Pulau Pinang.

Pulau Pinang, 24 April 2025 - AKRAB Mahkamah Pulau Pinang dengan kerjasama Kelab Kebajikan dan Sukan Mahkamah Pulau Pinang telah menganjurkan Majlis Gabung Raya 2025. Majlis ini telah diserikan dengan kehadiran Yang Arif-Yang Arif Hakim Mahkamah Tinggi Pulau Pinang, Pengarah Mahkamah Negeri Pulau Pinang, pegawai dan kakitangan mahkamah di PTJ dan kesemua Pusat Kos. 'Gabung Raya' menggambarkan kerjasama dan gabungan baik antara semua pegawai dan kakitangan Mahkamah Negeri Pulau Pinang tanpa mengira kaum dan agama. Majlis yang diadakan berjalan lancar dan berakhir pada jam 2.00 petang.



Kempen 'Katakan Tidak Kepada Plastik' anjuran AKRAB Mahkamah Negeri Perak

Perak, 29 April 2025 : AKRAB Negeri Perak telah menganjurkan Kempen 'Katakan Tidak Kepada Plastik' bersempena Majlis Sambutan Hari Terlajak Raya Mahkamah Negeri Perak.

Kempen ini bertujuan untuk meningkatkan kesedaran warga mahkamah terhadap kepentingan menjaga alam sekitar dan mengurangkan penggunaan plastik sekali guna dalam kehidupan seharian.

Sebanyak 171 beg kitar semula sumbangan IKEA telah diedarkan kepada semua yang hadir sebagai simbol sokongan kepada amalan hijau dan kelestarian alam sekitar.

Tahniah dan syabas diucapkan kepada AKRAB Negeri Perak atas inisiatif murni ini. Semoga usaha seperti ini dapat diteruskan pada masa akan datang.

